

程子

漁村詩集卷九

歙汪灼著

戊辰元旦歌

戊辰生我逢戊辰二萬一千六百春環山種梅已古
著花無多迎歲新恰如仙妹顧我笑橫波振素粉黛勻
又如高士向我語娛心破涕姿度真五十年来日一卷
讀破萬卷仍賤貧乃祖乃父聲愾息跪立腰腳多不仁
釀得子西養生主老而好學師昔人讀拜經訓履端始
願加餐飯強精神

述懷四首

少壯期有為不羨申韓術、
舜之徒善身思澤物而
慚髮種、蚤夜勤紙筆
道德負初心聰明孫疇
昔再三史伸卷姓字旋
廢失意嘻韓柳言無為
空自恤堪笑北溟魚池
中待雲雨又嗟南象^越
樞下畏鼯鼠不如蜂與
蠶蜜釀春絲吐湯九文
十尺豈共侏儒伍苟好
禮義信奚為老農圃

馬遷大文章神妙虛字間
蘭臺成漢史隨文字句
剛千古傳手筆何處雄
波瀾舟未越淮水足不
登黃山負此歲月長那
識天宇寬區、詩與文獨
寫性情閑

猛犬吠迎人無術止狂
吠狺、置因聞庶養浩然
氣朝來書作友夜深酒
以醉因時愛景光亦快
暮年意空爾機械心蓄
怒橫眉黛

正月六日雪

未春三日雨翻盆入夜
霏、雪滿村焦寢不逢
賢令出風聲何故急敲
門

捲簾輕粉向窗飛幾片
從風落硯池水聚微凹
因潑墨圖成姑射賦新
辭

人日不踈園同友觀雪

降瑞逢人日園空縱目
迷石迎皆玉立竹揖與
肩齊欲策西山馬難沾
東郭泥道衡歸未得袒
臥老花豁^久震動

下元環
跳不暢

立春溪頭觀雪

漢魏晉臘辰戌丑六出飛花書大有
姪訾初會斗建寅
千里凝光三尺厚
歎乃一聲山水白
舟子爭先酌春酒
溪西放渡又谿東
隨興不尋梅
訪友銅駝玉馬獻君王
堪歎世人徒猶苟

歸途口占

遠山雪挂萬千條
近水烟籠四五家
風送落霞飛野燒
竹林驚噪一羣鴉

元夜

然燈十里照閑身
也去隨人步暗塵
豆粥爭持小兒女
歸來迎卜紫姑神

日中鶉火月中天
梅綻枝枝向月圓
看到無人花是伴
縱催玉漏莫貪眠

種梅十一樹

種梅十一樹
氣馥三十年
苔裏飽霜雪
枝高凌雲煙
繁葩闔未半
精氣蓄已全
色固迎霞好
胎原帶雪堅
浮動空月下
橫斜隨谿邊
含情夜雨後
流韻晨風前
有興豈煩倦
數見猶新鮮
裴回灌鼓間
魂鬼相纏綿
感謝孤山客
兩語勝萬千
未敢對花吟
花羞聞詩篇

風中梅

終風玉山推欲倒，傾夕西子醉扶來。少女愁多故作態，
琪磊不敢從風開。我時甘酒學花舞，愧無長袖登楚臺。
明王寧負屈宋才，視今視昔同飛灰。

落梅

香散一亭幽，當風暖氣浮。艸頭招蝶戲，谿面逐鱗遊。
笛弄悵紅雨，塵飛舉白鷗。度曲送花山中誰與友，長抱隔年愁。

紅蓮

太液池邊見太真，胭脂多抹倍傳神。落霞未敢爭顏色，
十里香風送醉人。

夏至前一日

邠詩籥動暑將多，枕簟堦前午夢過。桐淚黏櫺疑柳絮，
水輪翻唱類吳歌。苔深久斷行人迹，室白全消處士魔。
不歷江河今十載，風濤架險奈予何。

梔子花歌

晚開梔子肥，晨觀梔子瘦。日前顏色病，且黃難比今朝。
肥白貌明朝，新花笑舊花。隔夜瘦黃又，如舊自從美女。
入朝陽三十六宮無春光，娥眉讓人莫猜妬。誰買相如，
長門賦色易衰寵。易弛嗟，粉飾何為耳。今年花落明年開，
人生老去不復荻。何如面目由本來，世人迷未醒。

梔子花歌請君聽

風墮巢

兩樹桐華十里香
半園炎歊半陰涼
鵲巢苦為風吹墮
日繞長鳴亦感傷

傷毀齒行

齒落老不惜
戕之亦可嗟
婦羞議酒食
兒壯棄桑麻
老媪操井臼
浙米未淘沙
粒大於豆入口
斧鑿搗齒齩
震心耳磕磅
右邊牙情悲
悔老餐目病
憐昏花男生
八歲齩骨吐
勢齩齩年衰
過六十一毀
不復加白石
煮或爛依韓
冀福遐自愧
非仙才詎能
餐烟霞飽德
曹植酒

消渴陸羽茶西圃可救東陵學種瓜
斗米五百錢上山采蕨芽
非徒保吾齒聊以畢生涯
風高喬木高歸落一羣鴉

雨後閒眺

浴禽飛到即梳翎
轉出幽篁倚曲櫺
十頃稻苗溪外綠
半樓山色眼中青
愛民昔感焚薪令
乘興今書喜雨亭
風行餘香飄散處
爭來蝴蝶又蜻蜓

立夏得廣陵消息

昭旦夏初至
清風開我襟
推窗逢蝶入
度曲禰蟬吟
日永已添悶
書來無好音
早菱方軟角
欲采待秋深

傷白頭

一生心事傷白頭
骯髒之骨難封侯
研田力耕本無種
椽筆下釣何須鉤
有無得失暫時事
富貴利達終古愁
君不見世上養兒
百千億誰曾參養
曾皙

施愚山望日樓詩序云
日初出長可竟天
頃作方幅既出厥象
乃圓覺有語病似
乎始而長繼而方
終而圓也日與月
猶天體所謂長方
者光聚一處則長
散於水面則方離
海四照則圓詩以
證之

陽靈藏海底欲出一線光
竟天俄刺成方幅光水兩相

連日之體猶大圓
急節流金拔地懸
始長繼方光射處
認作本象豈其然
論詩雕篆真形狀
的是少陵老詩匠
我記當年三浙觀
時鼈子門前日初上

讀張夢暉新刻詩鈔感作

思風發藻洵英奇
天老明經作世資
逝矣今詩存古味
悲哉死別勝生離
曲終吳郡千人石
夢斷秦淮一局棋
餅束紅綾欣有子
好為循吏

聖明知

同是山林老祐溫
廿年孤館酒盈尊
廣陵相訂歸黃海
練浦聯吟抵白門
君惟書卷了生計
我獨薜蘿空故園

看到梅花益淒絕淡烟疎雨不堪言曾分題咏百
二梅花詩

閏端陽

凌晨叫鶴鷓夜雨溼林樾隣壑騰螭蛟氣寒逼毛骨家
不作梟羹奴誰翦鸚舌湘潭二千里或者猶吊屈惟有
安榴紅花光比前月

前題即事

半是陰晴半是風可憐節屆閏天中池蘋著雨百千孔
好學磻溪理釣筒
神仙聞說脫凡身漢武秦皇入海迎偶看蕉窗蟬始蛻
依然飛上綠枝鳴

暑節

暑節似深秋梢雲竹色幽早知多病骨不典敝棉裘江
夏容狂傲文園空匹看倚山能遣興一日一登樓

百舌

一言興喪決百舌是非多未到無聲日不平如爾何蘇
張偏恃口秦楚已翻波為語枝頭友人間盡網羅

班婕妤

脩正未蒙福為邪欲何望千秋明肺臟二語感君王

又五月雨

閏月一旬雨元冥胡太驕乍觀萍泛沚不覺平橋倦臥

欲成夢傷心滴到蕉老農齊荷醵放水護新苗

水蟲

水蟲趨，似無情急雷衝波自在行也藉紫屏作塵土
晒人羈累少身輕

董賢

寵冠韓張第一人絕憐朱訓義亡身當時悔不從先帝
零落桃花豈再春

病中苦雨

不覺苔錢綠到除多風多雨病相如谿山竹樹暝烟合
八尺橫窗讀漢書

半隱閣紫薇花

官路已灰劫紫薇猶色奢看垂千顆實開作一團花染
紺流根雨加丹冠日霞何須栽上苑閣畔任枝斜

偶成

詩篇源李杜文章法韓柳縱博千秋名何如一尊酒

夏日園居

水鸛鳴初歇繁雲愁不開嗟，病綿留股際涼颼推伸
掌護兩膝漸之如芋煨一股壓一膝左右手暫搥優柔
經義治意得忘形骸仰觀紫綬紅鳥為穿花迷俯察萍
藻綠魚復衝波來登樓健雙足氣壯勝藥培一角露青

翠山色雨後佳今昔誰久長老病何堪哀

鄭碧澗出示張舸齋雁宕紀詩游屬和

拗嶺

岱宗探禹穴文章逼幽奧司馬秉椽筆諄々後人告窈
冥天上頭一嶺忽中拗張子勇褰裳身為僮僕導勝境
從險求愚蒙苦不好左右折盤雲年衰寧讓少曾費六
丁開搜奇許君到

薄暮步鐵城下觀一線天

橫空一線長竟天千丈百丈匹練懸仿佛賢關臻聖域
破迷味道心了然轉疑此外無大夏依々窄境堪瀟洒

熱中到此亦生涼兩壁捫蘿通上下日斜嵐氣更沈沈
金蛇一掣岩中陰知君借光奪門去那顧衣溼惟狂吟

靈巖寺題壁

峰迴磴轉鐵城開寺壁詩傳水部才了義塵襟都滌盡
檢囊佳景已收來聲清半月出西閣香泛一尊餐北菓
未識山僧何處去大江飛渡擲浮杯原詩只少詩僧對
舉杯註云謂西湖

小顛
上人

龍鼻水

見首隱其尾奮鱗任西東潛不入洪波來縮石罅中掀
雲噴雨乾坤大爾胡蠶蝎比蟬蛻一鼻能澆百頃田今

古居民沐恩沛

鴈湖

四運遷游恣討搜幾行春鴈宿湖頭銀河欲吸波高接
桂魄空翻影獨留沙際數聲還顧侶山中孤客早驚秋
遠公遺得誅茅在末痼烟霞不許求

聽詩叟

誰繼唐賢三昧音六朝漢魏見功深徒教石叟常傾耳
世上人人也會吟

卓筆峰

含毫託素衆如雲一字金錢只右軍愧殺生花不成夢

倘逢盧駱欲煩君

西天目寺上禪房雨中聞梵和舸齋韻

午夜長松法雨侵重闈子建梵天音故園靜裏窺金粟
好鳥鳴時結晉林一指禪參無上乘六經夢破昔年心
我生自有傳燈處未入山深見道深

雙橋燈船入水

簫鼓震中流花燈豁上舟光搖瓊曜亂波逐燭龍遊張
許孤城浹南雷百戰愁死猶生殺賊瘡癘八方收

讀史感書

殷、南山雷破我午牕夢振葛步檐楹雨細風吹送林

杪色青靄花間雀幽弄凭几讀前史文帝愚自用蔚宗
稱酒狂謀惑豫章眾彭城掩被酷扶育忠劉宋一倫惟
夫婦千秋無伯仲富貴履危機貧賤甘悔弄生不願皇
家材不堪榱棟因棲十畝間忍受一瓢空矯首思連成
終焉白雲洞

紫薇開滿樹口號

年來零落數枝斜三十春吞日月華待得紅雲向空墮
白頭羞對紫薇花

月夜遲友不至

政值傳卮分韻時淪精軒照起相思故人十里猶千里

朗月半池旋一池風定螢來衝北閣露深鵲誤噪南枝
美人想為常儀召爛醉蟾宮失訂期

雨過

雨過丰容色橫窗欲霽嵐車音起西北女日顧東南米
船爭趨海山民慕入壘得捐妻子累誰復稻梁貧

予生乾隆戊辰六月七日值嘉_慶戊辰歲誕漫成四

絕句辭諸親串壽觴

數徧干支又戊辰月逢己未日庚申埽除二萬千餘恨
落蓍初為一歲人

年來嬾學問耕漁飽食枕榔釣得鱸若果白頭簪一杏

世間千百沈歸愚公年六十舉於鄉七十歷官尚書

誰云餌木可長年書畫雲山養性天欲報矜愚思萬一

女為鐫到蓼莪篇先嚴著詩學女為刻將告成

紫綬花敷百日紅絃么一曲引荷風十年假我為春酒

猶笑慈谿禿髮翁明劉伯淵慈谿人年百餘歲有顯者乞言介壽淵笑曰七十上壽母乃太

早乎浙東西傳為美談

石刻米萬鍾書和葉臺山過勺園十律萬鍾字仲詔宛平人

明萬歷為水曹郎築園海淀之北名勺園

五言朱歸氏明詩綜十律壁間存石八方嵌不踈景物燈

傳米風騷客集園米家燈繪勺園中景元夜懸之集客賦詩微官宜海淀重

祿答君恩詩中隱諷臺山乞閑之非石久荒烟没何人費討論

流蟬

學書學劍老無成呼馬呼牛世所輕靜到一心空萬象

流蟬猶曳過枝聲

十三夜月

涼颺送月到溪邊下浸波心上麗天水色空明山色黯

看來猶欠二分圓

十四夜月

愁煞流輝晦又明居心不淨點微雲十分蓬鬢九分白

似月員時闕一分

十五夜月

慘澹異鄉月團團故國情有山皆聳翠無水不沈清嘯
或孫登似危為阮籍傾再斟童睡熟鸚鵡代呼名

詠申生蕭懿

自古元多才智人其愚莫及始天真憂心未悟東昏主
泣血難明晉獻親獨許申生為孝子共推蕭懿是忠臣
情甘一死應千載豈計乾坤有此身

立秋

十里稻花香一行斜鴈影玉歷報秋來愁余醉不醒
三伏雨生寒三秋日多暑妾幸齊紈扇日下為君舉

讀薛千仞集

崇萬庚辰兩度逢正朝宿歲一編中太平擊壤安天爵

六十詞人八十翁

天爵集名

書李公起唐仲言詩後

竣也瘖聾詢也旨千秋傳得兩篇章世間多少狂吟客
空費聰明齒舌忙

忠義歌弔錢嘉徵

承宇日無光羣狐擾宮闕一狐向窟嗥京師流碧血舉
朝捫舌不敢言社稷蒼生劇可憐草莽之臣氣悲憤大
書十罪彈忠賢明知空拳搏猛虎未寢其皮身入罟東

京南渡後無人太學生傳風節古文章繼起亦云忠海
鹽首倡除元凶得保首領偶然事有明一代真豪雄嗚
呼有明一代真豪雄

不踈園十二詠 并序 竹樓朱鑣書鎮江人

園為先大父肥遯之所扁以不踈與陶詩暫與
田園踈之意異矣先君子暨余兄弟子姓咸
涉藝其中竹榻蘆簾焚芸設茗不期要路交亦
不絕高士跡也隨景錫名紀之以詩

六空亭 連舫巴慰祖書 聯云雪月花時空酒
空詩空畫山田水次空耕空釣空樵

孤亭躡星漢山彎水亦彎坐觀樵牧者不及釣心閑

別韻 誠齋鄭虎文書秀水人

十一樹梅開香中別韻來衝寒惟一色身墮白雲堆

擗經艸堂 笥河居士朱筠書宛平人

庚子拜五經日程分卷讀皓首一經通毛鄭傳家塾塾
先嚴著詩學女為予著詩經言志

松溪書屋 讓堂程瑤田書

老松挾風雨往々作龍鳴秋夜桂花靜溪流月有聲

山泉響 盛唐山人魯瑣書桐城人

壘石聳千峰飛泉分兩道忽露米家山淋漓當雨後

勤思樓 密庵方輔書

高樓何所有二十四書廚我尚慚王儉陸澄知有無

雙桐得夏陰 東原戴震書休寧人

栽桐三尺強斗大高十丈綠影散空塔便生濠濮想

竹北華南 古浣子鄧琰書安慶人 小篆斲空兩面如一夜映燭光字影射壁

紫綬一層翠筠垂个四壁盡書圍逼坐青氈破

半隱閣 海峰劉大魁桐城人

未欲全藏塢何妨半俛池看山開一面晴雨總相宜

聽雨 朴山方燾如書淳安人

菡萏亭立芭蕉樹陰雲根催雨足散蕩最清心

不浪舟 容甫汪中書江都人

明月照平疇動盪湖光滿風生浪不生醉臥孤舟穩

黃山一角 方外老漁自書

六峰殊狀青空一角秋柔風香暗發先滿向南樓

避姦詩

蓄艾治固疾亦可祛飢蚊把束縛為帚薰燎騰青烟豹

腳性所畏飛出檐端迴颺忽成市駢坐攢作團筋駑

血枯竭勝此叢爾身嗜膚不充腹薨聲憎聞縱爾性

命輕免我瘡痂殘勢寡眾莫敵且避長喙軍執我合歡

扇垂組安夢魂

梁武帝

金甌豈破魏重和納叛初心失已多倘信鄱陽從侃策
淨居不聽再荷荷有作去聲讀者
怨恨之聲宜押平韻

侯景

慘黷芒天怒噴納鹽腸腹噉冤民翻雲覆雨東西魏
最毒蕭梁佞佛身

早起

心情隨氣爽獨步一披襟露挹青荷蓋香生白玉簪乾
坤藏屋小烟樹到窓深不盡秋蟲怨朝猶斷續吟

吐谷渾

十五年中遊宴絕一枝箭折九枝存紛五代蕭牆禍

愧殺當年吐谷渾

感興

金風扇庭樹下塔拾梧子隨折草頭花插瓶聊自喜荷
柄截為筆蕉葉展作紙醮墨寫新辭翰飛雲欲起垂老
嬾葩經銷暑愛繡史天子號無愁奢淫蕩心耳欲殺者
忠良所昵者奸宄黨錮千載冤東林一時毀可憐復社
徒誰似騎鯨李北海座盈樽雄談招禍始何如埋姓字
寂寞空山裏仰止聖與賢克念貴虛已

擬珠還篇

并序

丁卯夏失明詩綜八九十三卷一冊戊辰秋復

入函與明石儔遺地理書經歲寃歸事同但相
地為欺衆之書作詩名珠還篇空為君望韓公
所謂而全明詩具一朝文獻真是珠還可紀也
原詩不傳用韓和章韻

滄溟流派多綺語降及鍾譚害尤巨有明一代仰高徐
盛饜盈前先設黍甄綜三千四百家正始之音明取與
夏長裸體心懣煩無計驅炎驚十炬偃林歌哭青邱句
險宦殘軀寧谷處卧聆過雨響蕉桐起視全消一園暑
釋卷迎涼嘯甫終迴步牀空枉延佇東搜西覓杳無蹤
欲翦奸渠在何所吟興前隨三卷無鄰翁今贈一瓿予

偶失偶得萬境同笑人眼徒竊取

樓觀穫稻

山推日輪紅滿窓書樓恰臨田莊已黃欲黃半垂穗
五里十里多聞香婦子紛趨爭束草農夫忙刈負登場
上下飢禽飛盜粒何如鼠徧穿倉箱

七夕

一水盈一歲一經相逢依舊是芳齡人間白髮老夫婦
羨煞天間不老星

衰柳

沈沈拂地影蕭疎怕聽蟬聲落照餘看爾千條萬條色

此人憔悴更何如

襟拈史事

鏡裏頭貽笑并州怨築聲太宗平突厥世勳壯長城將
將中原得賢、邊境清漢唐惟二帝千載頌芳名

亡妾詹氏五十生忌辰

不識亡靈境空瞻挂壁姿空家堪作嬪為妾恨無兒月

冷神歸夜雞鳴夢斷時依稀猶絕命低誦小星詩

二子相繼

歿

六載同河鯉分遊三十年老嗟貧似昔愁對鏡空圓步
鞅曾留跡吹笙即入僊何堪鹽米計辛苦教人憐

擬主閨中約露翰壽五旬飄零湖海地孤寐洞房人詎
少衾裯抱難酒食詩句今慙予白首昔負爾青春

村居秋興

少抱契元癖生逢

聖運昌春蝗宜有歲縱鵲不徵祥老去書千卷秋來月
一牀鳶魚同活潑醉入白雲鄉

題王雲春夜宴桃園畫本

灼灼林中花天、逞顏色大地春氣濃惟有此花得鬢
鬢植霜園諸李開筵席童捧盤匝趨姬供筆硯役刻燭
未終韻酒數罰金谷暮樹烟半橫遙岑月空碧七十七

老叟章施局生闢圖像賞心目直擬衡山格人生同逆
旅光陰如過客振古愛天倫悠然思太白

秋風

打頭梧葉日西銜先到空園拂翠幄雲斷數聲南北鴈
谿流幾曲往來帆細穿羅幙涼生枕響遍蕉窗涕染衫
最是孤燈殘夜後驚人謾不起松杉

啄木鳥

可憂一枝蠹能令全木枯徒感雨露恩漸之生意無剥
剥復啄口中空弗傷膚幾聲百蟲震朽穴紛奔趨病枝
去荼毒本幹仍膏腴物口皆有蠹人心蠹難除安得萬

千鳥口代斧鉞誅

蕪湖鐵蓮蟹

拔出汙泥波謝去江湖使房縮衣服紅葉漆色改翠短
釐鉞成雙長跪戟分四誰潑池中墨壁間具生氣宛然
君子花幻矣長卿味躁心喜已無枯荷許相戲吁嗟一
藝善瑣口亦名世

詠史

誠心附主口親賢飛鳥依人口自憐若是饑鷹飽颺去
千秋臣節盡風煙

絕句

開雀戲庭花見人飛上樹自問已忘機誰識機心露
新月盡風動
娟娟新月樹端生萬里秋空一鵲橫天地儘寬容舞袖
谿山常靜發歌聲酒樓得句王珍賞蠻布傳詩梅織成
欲踏蓮花最高頂軒轅雲鶴許相迎

咏桂

板折本無氤氳忽滿襟露寒膚起粟日落酒浮金獨秀
古香在託根明月深風霜能自立何惜老薜林
葉密重、綠花攢點、黃喜無蜂蝶擾空有斧斤忙夜
靜一園馥人行九里香老夫興不淺倚石醉千觴

未遇養花天無情雨正絲芳魂依桂府寶雀謝塵緣頓
減黃金色猶棲白玉仙相看清淚滴繞砌獨留連

雨後桂

花氣初回媚夕陽從風落酒、分香喚他鼓櫂秦淮水
爭折一枝歸贈郎

菜色不堪花比貌佛裝恰與日爭黃數聲漁笛滄浪起
身在劉安舊隱莊

秋海棠

何故易腸斷一叢開及秋誰將春豔色寫出爾嬌羞
深綠葉癡肥嫩紅花怯瘦鄰女抱柔情醉倚闌干鬪

前題次友人韻

檀心初吐奪朝赧披拂秋光染晚霞愁挂幾條紅線淚
幽閨不種斷腸花

東坡詩集卷十

東坡詩集卷十

東坡詩集卷十

東坡詩集卷十

東坡詩集卷十

東坡詩集卷十

東坡詩集卷十

漁村詩集卷十

漁村詩集卷十

無題

可惟期功絕少恩區，愚歎向誰論王家癡絕書留枕

江令心傷柳在門爭撲飛蛾燈火滅摧頽病駟網羅存

蕭然去作浮觴侶二子猶憐幼未婚

望竹再生歌

去夏日竹醉礎潤猶霽蒸數竿倚東牆停雪還青，孫

枝參差傍孤管恍若春雲流半庭漫郎欲窺韻俗客微

之未聞吟嘯聲難必三年接霄漢祇期六載迎風晴鳳

兮鳳兮際承平待食爾實岐山鳴

科頭赤脚臥石臺

科頭赤脚臥石臺那識山雨隨風來引頸濯去暑前垢
舉目飛盡天中埃松梧搖空子交落俛拾滑足傾莓苔
平林近添蔥翠色高峰遠埋烟霧堆黃庭書一通綠燈
浮一杯穠李昭華貴人寵晒儂娛夜青奴陪六十老翁
境如此每對風雨長悲哀名利機關牧童笛夫誰解識
山谷之襟懷

八月榴開一枝

天香散落廣寒宮來勸提壺澗水東醉眼不知秋半老

綠叢深處綻榴紅

山居即事

貧借榆錢供雀料老將柳帶繫晴暄優柔堂奧閑中得
蒲伏風濤熱處翻私地聞蛙誰給廩官家養鶴笑乘軒
園丁似解山翁意故向池亭遍種萱

桂花落

不是西風惠何來滿地金芬芳才觸鼻搖落最關心送
酒娛三老合歌調四音佛仙無二理妙語夢中尋

黃葉二老

人送酒歌曲并論宗乘事予舉劉美中紀夢詩答之

中秋夜偕同人待月六安亭

北里吹笳送行雲吳趨入韻開晴霽圓光待放已初更
詩興未闌拚一醉孤亭露重逼人寒西林斜漏影團
慚照須眉數毛髮此心猶作少年觀遊龍星點光薰灼
綠籜雲披叫鳥鵲送君歸去坐谿頭水月空明未全落
村童以捧香縛
草龍嬉游街巷

園子小園三番桂茂歌勵後人

兩茂繁葩記昔年今朝來醉第三筵面黃屢媚貪花眼
髮白常羞折桂僊始詢乾坤留後兆免教孫子棄遺編
鄴侯架是崑山玉莫讓鄰誥對策先

秋日折桃花一枝

和烟帶露向餅開引得春風滿座來似昔秦人招手語
漁郎凡骨爾仙胎
籬下誰栽洞口桃何妨當菊且持螯桂英喜爾增春色
故約分香入酒醪

再詠桂

揩眼視秋桂三成月下妝富增金穴色貴染漢貂香自
昔多梅癖于今老菊鄉花搖風落蝶來往也空忙

霧

曉來天水兩模糊近樹冥濛遠樹無隔浦捕魚人不見
冷光的灑鳥驚呼

偶吟

嬉子蟲名諺曰嬉近緣身疑有喜，得草豈終窮。閉門未敢言奇字。

兩日空樓滿貯風。

輯字學四辨三脫稿

冰山誰解耕田食，宦海何時貼背眠。新摘紅瓜饒老眼，免他空繫乞人憐。

夢歌楊妃曲醒錄其句

一怒歸第果不回，幸蜀之唱從何來。再怒歸第莫迎復，佛堂亦免吞聲哭。翦髮一縷惑君王，鼙鼓動漁陽。明皇身能定國難，垂老狂易帷牆亂。噫嘻乎！人知禍生寵貴妃，不知林甫國忠後。先釀禍機。

食蟹

堪笑形橫亦太狂，入籠殼釀出紅裳。細敲玉質三般白，獨擘金膏一箇黃。何屑貪鮮澆淡酢，茂陵愁冷襍芽薑。拍浮足了此生願，伴得秋橙入席香。

四詠桂

老桂花四發蒼，氣凌霜感茲先。澤深使我引興長，一月半沈酒三秋。占羣芳天香惜遜前，猶與菊爭黃。花氣甫爛漫，神魂已歸藏。含精待來年，翹首明月光。

綠豆鳥

小鳥名綠豆，招來入畫堂。竹垂添羽翠，風細引聲長。但

向籠中戲鳥知雲際翔此身久羈絆相對亦悲涼

夜對瓶菊

蕭辰菊酒最相宜隨意成歡強自持有興籬觀千百本
無錢餅供兩三枝花橫壁上圖難似影落杯中燭漸移
不是對君忘玉漏一生憂積倩誰支

將暮見紅葉

鴉帶斜暉過樹端靈楓隱隱間烟巒未將綵筆全生色
已著清霜半點丹漢殿錦隨霞共織吳江心與水俱寒
數聲飛鴈催宵雨一洗浮埃兩眼寬

獨立

橫塘獨立袷衣單帶笑芙蓉繞曲闌掠水舞楹新燕子
雙雙穿入暮雲寒

詠菊六言

冷澹多風多雨瘦黃如面如身幸是清時閑叟得逢晉
世高人

偕同人溪西觀菊

好花招我出荆扉放眼溪頭菊四圍步入石崇家列障
兆占張鷟夢衣緋水雲光裏秋容澹香色叢中酒力微
興罷同歸歌緩漫將詩思送殘暉

張地山金陵試歸

腹不安蟹二絕

孝先便腹苦陰寒午夜腸鳴臥欠安孤負坡仙詩一首
換來江上兩尖團
擘匡鑿脚聽敲磬黃白濡脣興亦豪袖手支頤對寒菊
尊前滋味讓兒曹

感菊

乍驚粉臉露晴窓紅紫爭顏未肯降又遇塗黃扶醉出
半妝半抹倚銀缸
紛、衆美來娛目寂、孤衷託與誰賴爾交情淡如水
年、策杖及花期

秋陰

葵藿才傾日雲飛又掩光泛池風力重曬腹雨絲狂松
菊慘無色谿山半欲藏嘯吟悲塞草應斷李陵腸

紅葉

一分看到十分紅青女紛霏亦費工澹、秋山空點綴
層、寒木盡光融羽人避去霞初落鷓舅迎來日正中
此景練江稱第一可能變黑白頭公

登樓凭檻起悲歌遠近參差映碧螺傍屋莫嫌紅樹少
烘晴那管白雲多詎關酒態迷花眼似有春情著睡魔
試問隋場空翦綵何如今日錦山河

重陽置酒半隱閣

茲閣快登臨佳節多風雨何期二月花競向三秋吐天
竺半岷丹芙蓉繞池舞牛閑塚上眠禽刷枝頭羽延賓
持兩螯謀婦出藏醺一手擎縹瓷雙睛縱寰宇靈、四
天雲冥漠露村塢濛、十里烟遮斷垂楊浦醉倒北窗
下帽落不自主彷彿夢停車老我少非汝
昔年曾圖停車坐愛楓林
照小

五律二章一答鮑陶人一感黃仲則

晚吐半輪月客投一卷詩不因人謗議遽損爾英姿感

謝參軍句閑吟小畫辭隨園空製叙未必是真知團椒

小畫山房詩中有贈鮑七言一章表簡齋為之序

四十飄零死潛馬憶舊歡雞鳴成絕調刺燭起狂瀾少

小推君獨窮愁弔影單得名吳會首哂我老新安仲則客余

家年二十五每作詩和衣夜吟今閨團詩叙云畢秋帆選吳會諸子詩獨高仲則因感賦

詩學女為鵲成泣讀作歌

著書無識先旨心何以尚論古之人著書寡見旨兩晴
名物典則遺厥真是書傳出幽懷抱數千年明正始道
能令忠臣孝子勞人思婦一見性情旁及律象地里
州木鳥獸費探討梁推齡促未完書灼慙奉命箋蟲魚
四始六義粗得解驪龍含泣抱遺珠今朝剗刷工告竣
恍若趨庭凜嚴訓一章一句指授心口傳漏盡一字一

義及一韻面牆愧汗披皓髯寒窗孤冷風力尖韓檠空
對鄴侯架魯薄沽來村店帘敢云風什欠圓足言志一
書逞私腹經言志縱然先子許我鳴金貂恐將狗尾
續蓼莪三復泣王哀棠棣再詠曹植愁父母弟兄久淪
喪不讀毛詩于今已十秋

去僕

小僮三尺走華筵意氣揚二十年杖杜空歌苦無友
依人飛鳥亦生憐

倦來偶觸長公屏原上勤樵聽斧聲太息司空圖失劔
貧將鶴子代歡迎

北風歌

浩歌難降風勢慙又頭無錢典青衫飛廉憎爾不換紫
故遣脫酣老饒神和氣感耳將熱便可袒裼登峻岳
那知蓬島噫氣小吹遍下界驚猢猻颯暴曠霾猛颯
埽林卷樹江奔颿鳶復長鳴虎復嘯汾河易水空憂悵
宋玉死灰吹不動孫登悲響心無慚風狂一陣飲一斗
待到聲息浮烟嵐雲亦思山月東秀醉來女手扶摻

稻窩次團焦墩韻

諺稱稻斛蓋
窩字音譌

新安山麓多平田稻窩難繫溝圳邊

原詩村、稻窩繫
水邊其名同其用

異詩以正之
剛古畝字俗讀朱
閨切溝也集韻亦載此音義

秋收賴此盛稻粒四方

中凹大斗然量容十石吞不吐豈患築場少閑土空郊
當壁結茅檐臥護秋菘免偷取納涼颺對翠微日出而
昨日入歸往來肩背歌調打穀聲喧雀亂飛

蔣文波寄贈三笠圖竝屬題句

昔讀東坡詩得瞻借笠像又讀精華錄漁洋繼蘇響二
公繪圖同芳塵山斗仰老媿不才棄穢形敢模放寫贈
不嫌穢而有畫師蔣篇什許拔俗風標亦高朗位置成
三賢感謝鼎足賞閑來玩毫素陡覺生豪蕩荷蓑釣荒
寒擔簦絕塵網曲柄可忘懷圓對結遐想遙千載間
撫今念疇曩

簡友人論詩二十四首

詩律還如紀律嚴橫雲卻月任分兼山平遠難撩眼
青扼奇峰入素練

寄意烟霞縹緲中野烽飛盡萬緣空忽然入穴得虎子
千仞一呼毋雷同

五字藏棱七字寬鑄猶生鐵立於山當年捩斷髭成咏
不固長城師不還

眼在詩間著筆難龍睛點處躍層瀾臨川五易爭傳稿
力為推敲一字殫

徒知白戰許清真儉腹枯搜亦苦辛試詠梅花梨與李

三般一樣粉停勻
展開滿紙吐珠璣
事類拈來是又非
若遇韓門高弟子
陳言埽却笑腸肥
未肯甘心步後塵
刻求語、要生新
爬搔不著麻姑癢
羞對鬼仙空弄脣
學得偷雲費篆雕
畏歌雅曲奏弦么
深閨體物無遺漏
悞煞香魂暗裏銷
鋒起機生巧思多
每嫌椽筆寫山河
閒花野草招風韻
謬許天孫織錦梭
棘鉤故、必誓牙
齟齬曾啖井底蛙
莫向楊雄問奇字

和平中拗自然嘉

索句全將世慮拋
運思縈繞上雲梢
未能免俗聊爾、

恐被山靈泉石嘲

最鄙前賢聲調竟
將古體擬填詞
鏗鏘合拍原天籟
具

有四音人未知

自許眉山接杜陵
襲他辭調我依憑
揣摩果脫前窠局

九萬雲程化一鵬

五日十日山水成
揮毫對客技原輕
八叉手敏才三步

終少磨礪簡練兵

登臨偶得付詩囊
或遇風花雪月場
匪是一聯情景好

足成裝湊也無妨
寸筵亦欲撞洪鍾無識昏
敢尚論境到高明猶日月
星河雲夢可兼吞

漢魏源於三百篇洞分流派歷朝賢得中取法須由上
退避詩魔見謫仙

出語誰能辨亂咙無分雅祇成腔一經點石成金手腐
草叢中認綠汀

志存山水撫瑤琴那識無弦有外音佛理空求色相
問誰參破白雲心

空抱驪龍頷下珠陸澄難免笑書廚千羊不及一狐腋

咀嚼英華糟粕無

泣鬼驚人語亦適王韋柳孟自優游蘇髯絢爛歸平淡
渾厚詩家第一籌

天生黑白世都諳出句云東對句南解識春光初漏泄
百花先被露華涵

愧投拙語賞王公隨意陶情六十翁贈叙贈詩名宦海
看人奔走擅詞雄

可怕詩成教俗稱無端竟讀又生憎毀譽多出狂且口
徑自渾流渭自激

謝贈杖

得助游山興應忘插衽艱踏歌身有恃行險意偏閑醉
亦無傾蹶宵能任往還萬峰環一歛倚看月新彎

題刻天然鳩杖

天生佳木形作鳩截以杖為隨嬉遊年迫桑榆臣草莽倏
然得杖如得壽當時嗒喑庇高祖製贈英耆歡脫楚後
漢仲秋授老人不噎之鳥壽其身絕纓決踵心神爽塞
裳酣暢錢挂杖感君扶我出蓬門步上天台四萬八千
丈

古詩

矯掌對新月度行胡奔忙穿雲匿清影出雲發冷光風

輪空際卷梧葉隨飄揚欲下勢忽上沖霄如鳥翔十載
無足音僮不掃迴廊三徑積成坵備煎冬日湯辨字兼
審韻亂帙堆滿牀聊以過暑寒毋期壽而康

王沐求簿尉竟死王涯第守謙奴婢輕歸免收族累曩
日幕冷官欲以明經試晏里羈病軀私喜未貪餌朋舊
半凋殘少年異才智見面不相識儼若人境外懺悔昔
踈狂問名今猶忌長歌月落西帶酒和愁睡

咏史

自昔文人口舌雄辭鋒終不敵刀鋒能詩識字三千眾
冤殺鷓軍獨眼龍

初冬即事

四垂雲逼景淒，烟樹蒼茫山勢低。身類雨鳩遭逐宿，
境同風葉落黏泥。草真左作折釵股，篆刻冬餘取月梯。
差喜昔年塵夢過，沸羹猶自警吹齋。右臂痛半載

戊辰孟冬葬吳庶母梅山墓側

附葬佐中饋，廿年志獲申。神魂依兆域，孫子泣蒼旻。日
愛寒山暖，冬藏宿草春。何須因子貴，自有埽墳人。

柺

遠世機關險，出門天地平。契丹優峻賜，行李伴洪輕。腰
際半扶健，掌中全力擎。詩肩隨處聳，一柺了餘生。

竹溪寺

早起拖藜訪寺僧，野行斜傍臥枯藤。墊巾霧溼無聲雨，
著履泥黏欲泮冰。雲墮谿橋人眼白，煙籠山徑竹光凝。
迦維四部慙全武，七步詩成愧未能。

勤思樓聽風

書樓生白光，隔窗風滿耳。四壁聲怒號，躓不到窗裏。興
至歌曲倦，時常隱几。照眼雪橫窗，山、白千里東南青。
一角三十六峯起，峰頂鶴飛來御風。堪沒齒。

籠中百舌

梳翎顧影悲殘尾，弄口迎權故入籠。可怪儀秦偏用舌。

縱橫七國建奇功
多病朋疎鳥自親
朝調午浴亦天真
微禽解惜昆蟲命
甘啖非精共我貧

詩酒謠

詩有別才酒有別腸
別才多為譏諷死
別腸亦將剖視
亾何幸當年李白狂
清平調歌寵明皇
斗酒一醉詩三
章片時知過千載傷

冬至

也著新衣戴一陽
朝來享祖趁晴光
夜愁每喜更籌速
老學猶慚鍼綫忙
看到棊殘徒手戟
聞知米貴益心惶

阿奴碌々憐多病
待飲富憂偏日長

記夢

雲漢空青地軸寬
藐然壘處突形單
夢中多值窮途哭
世上應知行路難
少壯恃才終福薄
簡編耗力覺形殘
何勞老作蠅頭字
書貯名山待後看

讀程治鑑戊辰恩科鄉卷

先我成鄉貢多君
被寵光七旬燈火下
三藝姓名揚魏
守兔園冊難瘞窟
香不才甘落寞未敢
怨穹蒼
頌聲為爾作毀亦詎
知予老占探花使窮
栖下品廬形
駭同宇宙志趣異
詩書試看籠中雀
何如濠上魚

雪日送黃芽菜

往事朝來總屬空，漸嫌眼眊耳初聾。
鹽方撒到窗生白，茶欲開時爐改紅。
十載殿門無客訪，三時祝臘有年豐。
感君為我遠謀計，食肉何如食晚菘。

書馭庶孫為祖庶母服斬議後

武斷一時愚俗子，禮文千古屬通人。
淮西碑仆終傳後，不媿韓家典則真。

寄慰楊至川悼亡

白髮蒙莊子，如賓五十年。
松堪皮作菜，肉幸橐無錢。
觸凍詩消畫，傷鰥酒熟眠。
夕陽催反櫂，悵別寄新篇。

過舊州堂感作

祖墓奸徒訟，諸孫議州堂。
書樓空在日，梅閣不生香。
堦下留苔石，窗中透瓦霜。
但聞相聚默，自嗟傷

次韻聚之姪四十自壽詩之一

留得清風待已年，少陵深許仲容賢。
牀頭周易癡余讀，室內盤餐為汝傳。
得句賞竒明月下，看花添興綠尊前。
莫嫌北阮甘貧賤，腹飽詩書樂石泉。

北風

北風吹面，凍黎筍輿傍山，浴曲溪橋平水清。
魚自適，樹老枝秃烏紛啼，多士半遭羅吉手，作吏上負堯舜慈。

耶孃聲道旁哭脂膏淨盡為身肥異縣荒民接屯落索
食不顧居民飢四百錢米千鏹訟貧者力罄富者疲偶
來城市一悲嘯醉冒風雪歸柴扉

先春三日梅開

默參天地意數點向南枝幽馥燈傳夢高蹤月寄思祇
因凌雪久不在占魁奇探曳東風下先春遇舊知

立春

宜春書就貼衙門坐共山妻笑弄孫鼓吹青幡東郭外
土牛無復到荒村

紅梅

樹凍欲折無多花雨肥初綻橫柯杈色耀紅羅性冰雪
晨吞丹氣暮烟霞能令嗣宗變白眼花光流映紫金瓊
臙脂一抹快成詩豔曲羣歌傳拍版夕陽半山花滿塢
依松倚竹寂無語想君種自上林來綺麗留芳憐後主

餅中松

十尺干霄勢鋤肩供古瓶色分蕉字綠影伴雪燈青似
客來鷹嶠猶龍窟庭歲殘春已至誰念爾零丁

除夜

朝來六十二筋力愧伊川髮共梅爭白心隨道入元祭
詩徒自瘦添炭有誰怜冷雨催殘夜鐘聲又早傳

詠梅

得傍山斜近水橫乾坤獨爾許神清晴烘未若天陰馥
雪壓何如月照明却粒子房初似女登仙臣朔暫為卿
嗟予晚立東風下相對無言過此生

前題

亭畔一堆雪天空萬點春身閑常作伴不等看花人飛
鳥自來去暗香空暮晨平生書計外氣味獨梅親

前題

月下來美人山中卧高士天不生青邱百篇徒費紙凭
闌喉一轉肉聲協宮徵酣酒恐及亂鬻茶差可喜微颺
拂花塵細雨滌花滓品潔氣亦清無心鬪紅紫淡中得
味長靜處覘色美無人香暗傳遇俗花慙鄙有時身倦
煩莫向花前視神怡百慮空道堅一心死不識復不知
境與花相似舉頭問梅花此意非耶是

雨中梅

冷雨魂銷淚欲揮羸形徐進不勝衣踈狂別有風流樣
爭看眉山戴笠歸

紅白梅

同是春華質不同無拘無束老山中月穿茆屋三分白
日挂雲峰一帶紅多怕醉顏來驚辟故將清操避塵蒙

那知樹靜終難靜，渺、愁予是妬風。

人日別韻軒觀梅

春來惟有此花辰，可託孤衷寫性真。未許石腸辭獻媚，堪縣紙帳卧為鄰。閉門著述盈三尺，待後流傳算一人。十樹手栽尊酒奠，白頭期共歲華新。

登黃山一角樓觀梅放歌

舉頭看花，無多索爾不笑。奈愁何，低頭看花，滿目千枝萬枝。壓松竹，此身欲置花上頭。看花須上最高樓。鋪海雲霞半空爛，迷天霜雪一氣浮。昔日種梅成十樹，樹、身長加愛護。縱橫鐵幹與樓齊，掀髯太息青春去。花不憎人，苓莪時西東。開遍南北枝，恍似孤山黃昏月。相逢姑射神僊姿，步高步下忙兩足。盡日觀花觀不足，夜向花間一歌哭。

過牆梅

仲圭圖爾過東牆，得聚精魂占此鄉。雀啁一枝才落盡，頓教肺腑盡黏香。

晚步

溪漲鴨頭綠，扳花步小橋。古香因雨減，殘片惜風飄。鳥帶橫烟過，山迎老目遙。扶藜返村落，即境破無聊。

十四夜月

轉出西廊月梅枝政打頭晴空明處開香韻暗中浮村
寂傳簫鼓亭孤挂斗牛此身如暫寄沙上一眠鷗

題聚之姪梅花詩

十樹苔梅九繞檐晨昏巡徧了無嫌阿咸賦罷三叉手
留得寒香滿舌尖

同人晚步冒堂看玉蘭

漠漠鷺鷥飛晚烟迎人春色鬪芳妍最憐玉樹臨風醉
孤負宗之美少年

可恠前身是女郎依稀月下認唐昌琢成萬管生花筆
種石當年寫肯堂

瓏璁一樹勢排空媿對番白鬢翁冒險穿岩到花底
空明身坐廣寒宮

新柳

條分綠線未成陰明漏春光暗度針絕世風流羨更好
依人娥媚意方深絲絲新挂靄靄淚葉葉初含離別心
空際微颺一披拂恍來孝伯滌煩襟

題畫蝦

米糠梅海錫名嘉又變田泥是稻花誰謂廣中風攝至
辰常水族不生蝦
十丈身須八尺長每依水母代晴光急流棲息今無恙

得免漁人折杖狂
偶然劉宋戲揮毫
鯉逐羣蝦興亦豪
若許對乾充上饌
墨池隨意任君撈

菜花

室廬半為圃菜熟嗟無梁
日食性俱澹春深色獨黃
何須知肉味自可奪金光
玩志幽閒地對之傾一觴

楊花示兒信

極目新晴玉宇寬
非時風雪白漫
隨樞舞去梨分片
著地拋來粉作團
水欲化頻千頃碧
衣雖裝絮一身寒
幽閨莫怨春將晚
獨對楊花念影單

繚垣西過畫樓東
夜落朝飛到眼空
點點黏泥常畏雨
揚揚得意暫因風
質原輕薄招人賤
性復清狂敢自雄
不固不威由不重
應知聖訓貴持躬

葉澄齋惠以天香深處穎筆拂桑軒藏墨感謝

運腕合楷法晉唐
知所宗仲將一點漆
逸少九分鋒筆陣
折來健墨花乾後
濃清風穆然至千載
衛相逢翦燭論真草
于今三十年君方投竹
箒我即試松烟註
易師王肅為文愧仲宣
欲成知己意志老倍鑽妍

漁村詩集卷十一

書示昌兒容松江

歛汪灼著

詎為松鱸美春帆越故鄉我衰憐少子爾幼慕高堂
糲米如鮫泣愁腸借斛量一肩行李客帶月過殘塘
夜雨灑芳塵朝來淚暗傾常將喜懼意一寫別離情服
賈儉為本虛心學乃成關山千里隔勿以誨言輕

登樓

望子登樓轉自傷雲峰天末樹蒼蒼移心化作千灘石
欲到漁梁阻客航

似鳥依人不暫留風雨上扁舟老夫善飯強書史
好語阿兄無遠憂

瓶中天竹

舊子垂朱紅新枝橫翠綠掩映一餅間聊悅幽人目
物理易消長年華苦催促念爾離根株耐寒不耐燠冬過
夏將半葉萎子欲禿撫之三嘆息夜遊當秉燭

家敬敷櫃歸用三句換韻格用之

魂兮歸來叫子規願離澱水黃山棲谿頭雲白雲飛
愛爾多情如玉貌依老拙心傾倒歌板臨風寄長傲
生未三十志不申前年喪子今喪身誰承高堂白髮親

新命禾分科喜雨

風來冷又尖帶雨更穿簾入夏絲衣薄侵人老骨漸榴
花增火色橘葉引香甜十頃秧鍼綠歡聲霰霖霑

挽家輝如

再從鼎鼎君老成逍遙六十過四春時踏不踈之園歌
棠棣而今首顛齒脫惟一身素帷蕭淒以寒感逝無
舍還傷神迸涕呼天老荆婦交揮子女遺兩人清白自
守竟忘貧酒傾十斗肉三斤體胖心廣老耄臻胡然春
來腰脚忽不仁夏隨棠陰返厥真徒沈瀾於黃梅風雨
之辰

臥病

一生悔不作耕漁徒綺高文歲月虛忽病茂陵三夜雨
臥無款案手觀書

五日

密雨夕連朝村、谿斷橋酒能午夢睡可接清宵桐白
因華綴榴紅為女嬌十千一石米為得我心焦

書贈八十黃翁越千

六十八十忘年友短拐芒屨來不踈五行推演洪範理
一念靜會太元虛買山無錢隨地適勿藥有喜唾人懼
據命許予臻上壽况養烟雲千卷書

夜雨不寐

素喜芭蕉雨兼旬亦惹愁撫今髮已秀望古志難酬目
眴螢衝帳燈昏鼠盜油卧猶煩視聽萬慮幾時休

己巳六月二日吉辰也年兒舉子名起鎮

十年未聽呱、泣日到申初竹長孫兩世陸沈工著述
九齡詞辨見淵源剖甘自有桑間樂積帙無嫌架上煩
恰值榜人索音息蘭江聞喜朝昏

年兒和詩附 紅厨菡萏竹厨青報道充闈客裏聽

恒士兒頑慙造士拜經 州堂名大 孫慧喜傳經工餘

鐵綫含飴樂讀罷詩書修植寧婺宿庚星倍明朗桐

枝先發慶遐齡

二大人皆六月誕辰此子其期於是月二日故云

王右丞雪蕉圖

芒燥烽天禱不雨裸體盤薄林避暑鮑子手持雪蕉圖
使我神清目快尚論古屈計千數百年物絲斷色黦存
繩矩名章徧幅宋元明廉夫題首迄金聲詩篇跋語竝
觀賞歷代人書結體精雷穿兀立無皺法石旁蕉下孤
鶴鳴月季花鮮澤脂粉雪點歷落還晶瑩蕉筋鈎勒如
戲著壓雪細草吹向榮鮑檢麋公私笈加研核此幅的
是王右丞展圖再三撐老眼家藏認有倪迂款未歸儲
邸流人間吳氏百昌什襲穩一經十二樓傾後惜遭俗

客半虧損飄落揚城賈肆中包裏散幘襍瓷銅縹囊玉
軸爭先取視此敝履真凡庸陶人路經瞥兩瞳恰與希
世寶相逢以求裝治無善工來質山中白髮翁二人四
目參仙筆似有精光耀蓬華由來購閱名畫百千家第
覺金碧徒寫生率氣韻丹墨難與匹或疑唐世少印珍
國朝鑿古名無一宋書宋帖宋畫不可以多求而况唐
賢手蹟敢稱述讀是詩者未覽圖應屏誓言之不實

曹公疑塚

相傳疑塚七十二我謂七二似一區掘盡七十二塚公
屍見此論得自宋之儒公恃一人之智蓋宇宙不知後

世復有智於公者笑其疎當時用謀奪漢統亦是天命
所歸非人圖若師新莽可術胡為乎漢高有天下而起
於匹夫生前欺天史書纂死後欺人公自愚讀罷德瑞
詩歌三太息繼而起舞為驩虞古來機巧公第一惜未
明夫千慮一得一失之兩途俞應符字德瑞宋淳熙人
坤維流火報新秋步上黃山一角樓面一峯青入圖畫
村、稻綠映田疇岫雲無意自來去世事有心多喜憂
可恠紫薇紅半樹迎風偏笑雪盈頭

野步

寶曆挂山腰寒音厲幽谷蹠足循長溪波翻兒競浴釣
竿拂新月無腔自成曲斲齧牛斷草歡怍農禱穀如何
郊野趣千古耕漁獨閉門肉食者此境夢中卜

襟詩

明鏡照客顏客顏固衰老明月鑑客心客心自清皓顏
衰世所捐心清慢亦好舍鏡可忘形對月寫幽抱
秋風動危葉元氣還本根冬近仰枯枝春來返花魂竹
柏不改翠天若授私恩詎知秉性堅青、寒復暄
貴生宗黨華富少室人謫我生長貧賤煩言耳多逆排
悶撥秦箏未終間者席在昔老原壤聖云不死賊

涂面已云惡毒計夜火攻殺人一家哭燭天百戶紅村
隣日禁食卧雪空巖中蒲萄夢火息好善吳山翁
善一神降吉惡均神降殃今胡反厥道搔首徒旁皇天
心自有主人事故背常山水占動靜知樂仁壽康
庭前植蕉樹一葉一舒卷腸迴多伊鬱似石不可轉酒
果能傾海流連憂亦遣只恐甘露生愁多心莫展

秋夜詠宋李安期

道爭棋一著未欲薦賢良世盡齊人相誰如秦伯強木
凋風似戟身冷月疑霜自在江湖過何因去謁王安期
字詩云自在江湖過一
生謁王謂茶馬使王淮

傷足

都克當年慙躑步今朝不借偶然穿鳥頭翦破瘡痕露
化鶴何時入碧天

桂

雨來減却幾分香洗得花容分外強喜爾日光初返照
可憐我貌更增黃

秋日偶吟

撫鏡忽消瘦青驪嗟易馳幾條瓜樣骨一片腐煎皮鄙
肉不生肉逢飢幸免飢取精多乃健歲月十年支如瓜
骨出
人倫書見真面集俗磨豆為腐
水煎蒸氣上團結者曰豆腐皮

與友人論書

真隸初原漢晉胎神完氣足法兼該而今通會人書老
平正都從險絕來

書曹齋原黃山紀遊詩後

讀竟海峰黃山記又讀齋原紀游詩記如海馬之駒導
我以先路詩如雲峰松石一寓目生秀奇少未遊黃
山車殆四塵埃待老游黃山貧病空忻仰胸中結一情
塵境夜許夢魂恣遊騁岳靈嗔我遊者少一人予亦自
恨不到名山文章敢與馬韓並曹劉二君人中豪記籠
百狀詩琢雕執卷長吟卧秋月恍置天都蓮華峰頂同

逍遙

樵人程社子朱竹君名曰海馬社子
之子冬生曹齋原又名曰海馬駒

溪上

占得秋容是水鄉蓼花紅斷菊花黃雲山更助清妍色
滿眼生光滿鼻香

袁子才詩一代風騷才力薄望溪文集阮亭詩安

以已見評論前賢為歌長句

望溪文章宋唐作者言根六經法宗司馬漁洋一代真

風騷與施朱宋稱四豪

宋荔裳施愚
山朱竹垞

字一琢磨歸典則

調高豈必庸俗褻隨園小聰慧蕪音越矩外詩魔文蠹
惑士林自許眼孔天來大辟如飲魯酒不知槽滴珍珠

紅又譬食羹藜那識大宇滋味濃反鄙方王才力薄無
才無力空諧謔年崇八十盜虛聲一死狂言竟蕭索噫
吁嘻麒麟鳳皇同獸鳥秦山河海擬邱潦蚍蜉撼樹未
足悲唯爾蠛蠓奚以為

重陽閱趙鷗北詩鈔

輕絲微籟冷重陽且喜絲衣舊日裝離畢白雲秋色沒
橫窗老木鳥聲長病憐右腳荒三徑食戒肥螯醉一觴
鷗北偶繙詩境異全於紙上吐鋒鋩

園中夜坐

古梅樹底三巡酒皓月光中一散人雲自油、風嫋、

谿山又是一番新

淮陰侯

失計齊王假宰寵賜印真絕憐韓氏子不媿漢廷臣生
殺一知己恩讐兩婦人岱雲空感目追想獨傷神

梅雨抃菊曰梅杆小不盈尺而花大空燈下觀賞
矮菊高擎喜短童案頭恰伴管城公倦來隱几方齊目
醉起持螯反鞠躬丈影全憑尺影勢小枝爭與大枝雄
定州瓷碗均州洗仿佛東籬邃宇中

自嘲

入俗出羣非俊傑有才無福不功名何妨寂、同楊宅

區外翱翔兩翼輕

閱邨抄見李毓昌事感作

一死重如山千秋臣節關憫忠詩墓立蔭子縣恩頌事

露主明斷機藏吏作姦含冤萬輩何處仰

天顏

合蘇趙論詩

作詩必此詩定知非詩人作詩必此詩乃是真詩人眉

山寄意遠鷗北

趙翼別號

詮題真各具精理趙語病在分

寰中與象外二者宜合論春風到花際催放無影痕秋

月墮溪中空蕩成練紋白雲心所向終南問有因琴識

情，德弦許餘音聞作詩會兩美千古工詩人

十月廿八日雪

不見傲霜菊雪花空際來梨攢千樹蕊風動一時開我

目供奇賞天心費翦裁爐紅窗映白小獲進香醅

躡鬚

昔年引鏡躡鬚須黑者百千一莖白今朝鏡裏堆雪霜

細數叢中四三黑躡白原期舉實成染黑將為脫巾飾

躡之欲盡贅闇形染之恐增純漆色昔嫌今轉自生憐

幾塗色黑徒目前瞬息變白由自然爛如銀兮潤如玉

甚矣吾衰心入元不見鳥生白頭本乎天草至秋來老

少年卻老一笑王僧虔收拾鬚囊自在眠

雪途送程後却入鄉賢祠

二龍空卧飲長川

古虹河西橋

銀作山峯玉作田生幸青衿

名夏校死榮

丹詔祀鄉賢解囊以濟姻宗感舉國如狂姓字傳紳吏

僧尼徧城郭愧乘疲馬亦揚鞭

往弔鮑覽齋兼讀黃鉞傳吳錫麒哀誄感成二十

二韻

富豈願貧交儒非賈所寶嗟哉古而然惟君異懷抱仁
識兩超羣烟氛為一掃義莊法天平七百四十畝四窮

咸不窮無告今無有又師常平倉腴田四百畝春糶接

青黃升米四文取

國賦上以供貧族下亦飽一片敦本心千人食惠久父

老僉曰良請勒石垂後制府同撫軍

陳大文朱珪

為文期不

朽君復搜顏字集成記一首斷事素精明待物存忠厚

當政陷抗僉吉人幸無咎傳誄泣披讀天喪知文友昔

年作田記初創張節手余時客廣陵剛易莫嫌醜長吟

百餘遍愛我推韓柳以此篤交情悠成古道廿四橋

頭月平山花下酒今不夢揚州祇為知音少爾櫛歸龍

山予情一奠了

新巢示兒輩

分飛感舊交對樹作新巢一榻支門戶雙栖柳梢烟雲

能自錮風雨任時敲知止亦如鳥母輕德業拋木片曰榜今諺

云鳥為巢有一隔雨榜解榜字為木之細枝

冬至日雪

飲羔騰爵氣陽飛舞楹前點謝裳新婦上堂呈鞞始本

昏適滿月老夫御狝種蘭忙形班像賦就規矩尺許丈餘隨

度量五穀精成花六出辰升表賀玉堆莊

松江盆茶花

盆盛一尺幹中含三寸珠淡白恍凝雪深紅欲奪朱萬

卉蕭條後千枝爛漫敷履長逢異種勝食四腮鱸

凍日偶吟

山峯挂白松露青萬个垂下蔭草亭袖手但觀班馬史

不呵凍筆寫黃庭

指寒皴裂兩攢眉爭道頻敲一局碁爾逞機心我閑樂

繞廊蠟蜜索題詩

宋徐照芳蘭軒集

詩到江西一派衰永嘉字、協珠璣四靈多仿開元體

雪跨冰懸許道暉

和潘庭堅英烈夫人廟姓毛名惜惜宋官妓

誰甘就殺以成仁巾幗偏能見義真昔哂王孫調豔妓
今瞻廟貌作夫人祇知罵賊快千古未肯當筵屈一身
舟過高郵憑弔後讀君詩句愧為臣

原詩古今無限腰金者歌舞筵中過

生一

絕句

舍南舍北餘殘雪人跡橫橋一板霜才聳吟肩步郊墅
催租吏到亦心違

空辜

帝力恤窮民征過秋冬又夏春更借鼠牙牽獄訟一官
囊富百家貧

縱無負郭夢難寧破屋三楹幾塚青欲庇後昆崇祖墓
滅明猶屈聽公庭

園中掃葉因感包廬蓬

山盡童山亦貧包廬開種卅餘春家多藏斧人多詐
樹不留根草不茵掃瓦積同三逕葉入廚權當一車薪
妻兒九口號寒日冷竈生烟甑免塵

戲成七言古體

紛人歌筵予獨石白頭愛客言花柳薦枕巫山斷袖賢
悔不當初風月走少年守一推老成老成反鍾年少情
談禪說鬼亦偶事到耳波瀾隨舌生禮云始衰年五十

耳順過二短景急空中有色唱無緣私喜神凝精未乏
檐前雀

入暮霏雪簷蹲雀一雙眼偷餘粒下翼戢關心降但
借短椽宿奚勞老婦唵無人分爾料飛去曉鐘撞

黃山一角樓即景

山、氣陰晦面北山獨明天都蓮華峰玉立一片日雪
光晶瑩朔風吐凍面迎安得徑尺波黎嵌青瑣終朝廷
駐琉璃餅

雪日感賦

莫哂常談禿髮翁原疇積素卜年豐老猶種硯貧堪守

壯不牽車財豈雄謂信山徑引煩雙瘦鶴琴囊攜倩一

奚童且圖幾幅生綃雪江北江南瑞氣融

對雪吟

對雪不飲酒其如雪夜何對雪不賦詩其如雪景何黑
墳糞英總清潔心未虛明塵滓多

冬日開茉莉一二枝

秋老黃華霜傲骨冬殘綠女雪為肌摘來誤入流蘇帳
香到秦淮夢斷時

書懷

謹時稱智者繫俗類拘囚一策決成敗百年分樂憂何

因昏嫁畢猶為空家謀去日莫追感來將經義搜

張停社古松 并序

社旁四松其一蜿蜒飛蓋距簷右角十餘武歲
己巳冬村耆年咸議以蟻傷社結窠在松根下
恐社造一新勢將傾壓欲斤之予仰而視俛而
歎茲松枝青榦直無先蠹後蟲之狀蓋私利其
榦可棟棟而枝可為薪供族囊之一飽昔宋馮
文學輒作安慶寺古松詩止邑長勿伐松果因
詩而壽為次其韻翼邨人效法焉

形周鐵甲色青蒼三百年來雨露長
萼秀閣村留澤蔭
蟲生一說敢斤傷顧歡好讀舟淇水孫綽憐貧日落棠
猶幸歲寒知立節四松左右結成行

王半山放魚詩

投老鍾山活數魚那堪新法毒寰區
蒼生萬命何如物
麩代犧牲武帝愚

大寒夜月

霜氣橫天月色昏靈光傳吠守孤邨
一生夢境一回過
萬事棋心萬遍翻祇有殘缸書伴影
更無佳釀客開樽
寒蟾頗畏侵膚髮因下簾鉤且抱孫

膈月園居示兒子基本

未逢鼓翼摩霄鶴且跨尋梅踏雪驢得友寒貞松竹柏
益人神慧易詩書柳桐依舊江家物樓閣從來仙子居
何幸小園藏此景悠然長與利名疏
歲事將闌賸一句窮棲少債免悲辛平時錢為米鹽計
偶爾客來殺核陳冬御緼袍堪竝貉夜沽魯酒敢貪醇
世人往來追呼急剛及新年又不貧

漁父詞

浪花飛空魚躍波冬鯖夏鯉秋鱸鯊晴戴月雨披蓑擢
入柳陰春酒多

雨襟雪

雲同霰集近殘年欲酌湘吳少麴錢愧煞詩人投闕匾
獲來楮幣百千緡

刪改詩文集

幼壯喜多作老知多改善多改洵云良不若多刪翦字
句琢未純辭意蒙未闡易之披雲日猶衣垢滌澣嗟
少變化方圓規矩限功以模擬成如出左遷吻是非難
酌古安真傳久遠臨文媿拘牽志識苦卑近不外米薪
謀陋與經義舛酬應格乃低無竒論亦淺滿紙盡沙礫
何由見玳瑁年來手日鈔稿焚隨灰泯積理聚精氣揀
金具隻眼當年盈一尺而今五寸短抱道居窮山礱礪

發胸蘊

己巳歲除

檐際風威十二篁窮天已盡待春光元旦老除匏性巢

箕樂貧守書林日月長比戶竈烟將半冷餘生藥債未

全償朝來支杖城南去了却尋梅興一場

庚午元旦立春

諺曰生百年元旦春難遇六旬兩值之莫作等閑度尋

梅酬宿負搖策荒郊路雲泉洗眼光高士山深處折贈

無一枝含葩空四顧枕石膚陰寒漱齒水凝沍風適毛

髮竦衣袂滿塵埋宇宙似無情詩書足忻慕姑飲春遲

遲梅開十一樹

新歲拜先考妣墓

支筇凍泥解到墓松楸寒寸草心傾久三春日報難芳

蘭九畹植哀鴈一行單茶果祭如在吞聲老淚乾

春閨詞

翦落燈花卜不成冷衾清寂最關情檐牙翻動鴛鴦瓦

驚聽裡奴叫幾聲

陽關何處疊琴音斜倚朱闌意轉深不道黃香占春色

一蜂穿徧萬枝心

元夜

饒鼓隔村聞二龍交頸分影穿千樹月光浸一谿雲風
景不殊昔衣冠何少文琴當仁聖世猶復奏南薰

風雨土

枯柳尚然因勢舞叢篁敢不助聲威八澁昏氣飛塵土
那辨瓊樓與荻扉

偕子姪登黃山一角樓觀龍燈用龍字韻各賦五

言一律依宋許洞約不得犯山水風雲竹石花

草雪霜星月禽鳥等字

蚤發光沖漢迴環兩燭龍人藏鱗自躍燈下目成重避
熱一樓勝憑高千炬逢踏歌聲遠近亦暫豁心胸

詠梅

蝴蝶飛二月梅柔風吹動一齊開冬寒包得冷香足
春暖遲招真氣回竹外橫斜歌白雪松間豔逸遇紅顏
晨昏不盡登樓興山色花光落酒杯

梅初放雨傷

待得梅開眼已穿不情摧落雨朝連空山風助哀獨嘯
高閣寒生醉客憐別韻何來晨月照暗香難倩夕陽傳
一枝斜入檐牙下未溼苦心獨逞妍

登樓賦晴梅

雨多常抱惜花心矯首天庭喜課晴香滿從風一樓貯

光來洗眼萬枝迎橫空鐵幹日初上倒浸冰姿窈復清
忽在樹端旋樹底年，不負看花情

賦晴梅後月倍明朗復觀六空亭

好花不遇月好月難逢花此境宵兼得幽情十倍加浮
光瞻寶相含氣駕仙車雅澹一亭白空明幾樹斜阿咸
詩意足無酒喚煎茶論文復長嘯飛起一林鴉

書徐敬齋輯國朝二十四家文鈔後

昭代文章繼宋宗僻書奇字未醇醲惱人二十三家後

獨殿隨園劉海峯桐城劉氏大樾字才父號海峯

渡口觀桃見對岍竹林中梅開一樹似有零落狀

感賦

老梅羞與桃爭開箕星畢星天遣來無端雪飛傷客目
不羨霞明滿江隈世人共道天桃好放渡橫溪入花鳥
遙，孤幹竹際斜郭袂攬袂送幽抱千層火齊挂林端
何如數枝共雲寒四圍山裏桃源路一河清淺傷林墓
聚之姪見甫唐弟鬢半白勸以養生復覽鏡有三

二莖白者悼以七言長句予閱詩亦感而作

須黑尋白笑阿咸須白尋黑嗟癡叔黑者易白幾何時
白者難黑終碌，爾勿傷時當王溥罷相年予亦不慕
馬援瞿鑠漢帝前草薰英落隨年過弱齡遐紀同雲烟

不見彭鏗七百六十歲養生治身專以事何如合經味
道惜三餘愛蓮著說師高致甫年四十七故云上壽中壽下壽
莫強求空山窮經足千秋百年只作一朝計夕果聞道
死即休

招看牡丹

帶笑來看酒一尊恐遲零落怨芳魂君心富貴浮雲似
莫為名花不過園

牡丹傷雨

灑徧東風到畫闌獨愁傾國總禁寒枝
溼重渾無力
葉狂飛散少安人似有情窺豔麗花偏含淚色凋殘

一年春事惟君勝爾欠晴光客欠歡

東坡居士集歸去來辭為十詩葉肇梓和其三予

僅得二首

老矣不知老遺園良可悲倚松如倚杖成賦復成詩萬
木榮春日三生感菊時覺迷書是命撫景或情怡
流光自奔去邱壑任登臨物欲盡生悟經言實可尋無
求絕世路有得問天心獨善亦往事奚為恨及今

黃一峯墨竹

髣髴身入稽康園浮筠龍鍾眼底存漠漠堂上生雲烟
墨氣一化千萬竿七十老叟方瞳仙家在盱眙山水間

自號一峯超羣巒有子受筆曰西山五代元明少作者
坡仙得踵文與可君能胎衛擅高雅貧就冷官暇披寫
聲助風威劍空舞嬋娟翠滴巫山雨有時冉、向晴宇
霧露瞳矐日初吐栖霜停雪友松梅一時景象三時談
聞聲嘯詠子猷才干霄破雲放月來友人告我君奇逸
造門敦請無一筆同懷客免口數乞棋終一枰酒拂爵
龍遊腕下鳥飛疾屬題君畫未交君挂壁傾尊交有神
張鷹當年避右軍善藏其竹傳其人

初夏即事

杜鵑叫血犬猿、歸守編蓬那忍聞麥熟已秋農待刈
風生入夏鳥翻翁天心一夜分寒燠人事千年盡雨雲
日午南窓將夢蝶敲門就正古詩文

麥秋

不斷谿聲遶屋流青山對戶思悠、心空無物亦無我
一任風吹麥浪秋

○菱梅另行寫

漁村詩集卷十二

○菱梅

歛汪灼著

梅老枝橫勢傾厭如雲如山眼中疊此樹飛空彼樹欺
雨露恩偏枯一霎不見滕小齋楚間事齊事楚良獨難
不見秦皇吞六國諸侯蠶食多悲酸昨惜風推繩續斷
今斬強枝伸弱幹雲然陽開漏青天收拾殘蕪當新爨
刪詩著意在精醇植杖西疇細，芸菱梅軍將放惡膽
一勦壓境之天辰倚亭矯首月初上低處蕭疎高處讓
明春肥瘦各橫斜猶是舊枝出新樣今昔人情屢畏強
貧者徒恭富者狂請看大匠運斤斧哂爾意態空揚，

何數峰歸田見訪

不見于今廿八秋青衿同賦雪盈頭刑寬釋盜原非盜

令澄海以志大封侯未得侯撫昔栽梅成古樹君別時

一樹梅花於不疎園今歸鐵幹縱橫對之為三太息忻逢添酒數行籌途窮琢句

題桑澗寫策何如隋掌投

簷頭瀑布

金蛇甫一掣雷雨隨光酣檐溜似飛瀑直落千尋岳階

下翻雪浪庭中跳珠蝸宿鳥穿堂簾古屋搖松杉對語

雙耳聾吐舌眾口喑豈敢枕經卧危坐書歸函翦燭進

晚滄雞泰安老饒次兒寄以噤食久云除痰號屏駕雲

返我亦銷狂慙靈靈斂一角箕斗空中嵌

次韻家梅影集陶贈句

遇物無矯飾吾行任性齡郭少南東畝胸藏上下經松

風韵清耳苔兩綠積庭俛視鷗驅爵孤鴻何冥

謝竹人十一弟惠家藏舊紙

不節當年西右軍卷舒滑白似秋雲隄縻絕少鼠須筆

誰復蘭亭寫贈君

夏夜對月

涼生幾樹風光浸一池月豈愛照荒村而更麗金闕忽

動滄洲思大地波瀾闊露滴竹有聲境窄心轉豁

欲雨
山暝雲初合登高風滿臺畢星甘退矣箕伯何雄哉密
葉未秋脫野花爭日開披襟亦蕭爽天半落輕雷

季夏戊辰日園中作

破碎桐陰晚覆檐疎搖蕩下湘簾花梢蝶粉日中落
屋角蛛絲雨後添一歲戊辰思母德予生戊辰每值年
月日之戊辰即慘
然不三元甲乙補神籤族人以三元宮
詩屬為增補世人未到清涼
境苦畏炎輝又附炎

長門怨

聲、簫管出南宮惹動愁人怨北宮娥眉最是初三夜

偏照長門畫閣東

病肺

立秋時節肺先病何處悲風吹死灰臥看白雲千里去

起聞孤鴈一聲來

感秋

美人在西周引領向東望念差豈路岐所之徒悵、秋
雲似絲團補綴青天上得借月光華河心翻白浪圓景
未終蔽夜色猶清曠青萍匣中鳴紫燕樞下壯已矣散
帚材敢云志高尚

六宜亭閑望

雲知歸岫鳥知還十二年中秋月閑却嫌棗樹離、實
隔斷牆頭一半山

閱紀蓉圃兄妹烟草聯句另詠烟筒一律

飽飯噴煙亦快喉更宜沈飲倚高樓從風障霧興不淺
借杖看山老未休一氣呼通掃愁帚半竿拂動釣思鉤
謝家夢草兼吟絮增補羣芳紀姓留

窗中逢立秋

雲山杳靄萬千疊鷗鷺清閑三五浮不有一梧飄葉過
那知今日始逢秋

見昌兒小照詩以勗之

圖成爾貌自松江楓下停車似老龐昔誤棘場期第一
今憐玉樹許無雙身長食粟慚先輩袖短牽車客異邦
溫習從前舊書史十年功到破愚菴予少有停車坐
愛楓林晚小照

秋早喜雨

草焦磔磔山減容荒畦蔬粟如枯蓬喜三晝夕雨濛、
土龍矯首濯涼風鴻鳴憂積邱陵重賞竒合志無良朋
此身久墮朽穢中惟有一心古人同湖山之遊與歲終
長貧猶木洞庭空秋花秋月樂融、

九日登樓

黃海不全見遙轟二三峰雲氣洗愁眼豁光盪窄胸雙

鵲樹端呼羣鴉葉底攻小兒擲彈丸扶弱抑其雄鴉飛
鵲安巢耳靜來清風

冬夜

百尺孤桐二畝園，空鬼哭叫哀猿著書年少終何補
老讀六經無一言

漢高祖

祇為天下家不顧殘忍由來劍氣橫兒蹶斬嬰誰雍讀擁
樹翁烹乞羽幸分羹寵姬溺愛禍成呂枕宦偏私反忘
黥創業英君慈孝少輕財善將一心明

雪後登樓

風勁雪滿野鷹隼盤虛空搏擊無一得眼疾胡蒙引
杯嘿稱禱歲，今年豐誰構水晶宮見現猶玲瓏統閣
十梅樹致雲走乖龍凍甚小於豆的皦光不封松枝拂
岩青天竹垂池紅序紀星欲回六日適歲終媿負筆墨
債幾同米鹽攻多文以為富君子道固窮

除夜雪

冷飆砭骨更驚魂飛舞檐楹雪滿村甯董筆門完歲課
老莊賤職樂天恩孫來繞燭當筵嬉妻為提壺勸語溫
何似烏啼催夜去雲林紅處漏朝暎

正月二日雪

白疑入夢此心激寂坐枯吟有髮僧大道光明知困辨
何勞枯寐羨傳燈

觀雪論史

雪光映一室風力振千竿凍筆不成字焦思亦減寒胡

沙吹獵、漢騎逐漫、去病真天幸青功獨立難

太史公衛霍傳右青抑去病右丞詩衛青不敗由天幸蓋誤以常與壯騎先為句以其大將軍、亦有天幸另作一句讀

晨起樓前積雪簡示聚之姪

睡興何如酒興濃雲門峰頂雪初融招來翠蓋神仙客

安樂窩中待阿戎

黃山一角樓柱語四時遙揖神仙客一醉穩眠安樂窩

再展谿山仁知心

人日芸窗讀易

初上超然身事外富貴不干猶不及譽懼凶功中四友

當位用事恒及、菜羹七種酒一壺滿窓竹柏半牀書

平生老少境初上參得卦義渾太虛

年衰

年衰六十又過四賸書樓日、登俛視神清俗兼洗半

池殘雪半池冰

立春鄰人招飲

晝永凍初解雨餘雲漸開千苞含綠萼數點綻紅梅野

犬近旋踵晴鳩遠喚媒隣家春酒熟同醉竹根杯
天半懸破壁夕陽山尚紅停杯一舉首斗柄忽旋東氣
動春心感風柔酒思融晚鐘催座客歸立月光中

元宵雪

最好元宵雪燈明雪又明光分千樹火春合萬家情掃
竹風威重飛塵酒政行聞雷立春夜多雪雨多聲

十六日雪即席贈八十一翁

蘭芳薰燎春甕香八十一翁來登堂醉糟蝦蟹臘鵝鴨
麪糗新韭椒為漿耗々兩鬢雙瞳方腹鼓耳熱娛肺腸
指數邨閭百年事博聞宗祖舊典章獅左象右夾羅漢

兒童堆琢墀中央辭觴換茗坐曲廊進以橘袖襟軟磨
緩步憩亭旋憩閣瑤塔琪樹生輝光呈豐莫嫌風力狂
我歌入雲君頓足谿山高下迷老眊懼翁傾跌翁曰健
踰瓊杖歸山莊

雪連五次感書

舊色已污今色新一層加白一層勻方圓隨遇成珪璧
誰識儒生席上珍

憚南田擬太行山色圖

日出日入山半紅太行山色將毋同連亘北州眷天下
氣象凌厲包羣雄昔年關全圖此景近世南田摹亦工

綺里東園正襟坐五陵裘馬紛西東關全題驥服鹽車
不能上徒稱其德伏樞中我生顛蹶苦羊腸夢魂飛去
烟雲橫

十一樹梅燈歌

散絲空穴無晴光青雲浮洛梅發香遺園樹古俗情脫
亭孤高插花中央可恠此身墮花底風颺亂枝天半裏
莫辭老骨俯樓端雪浪空翻接霞綺濛濛獵獵香不聞
春陽激射流芳芬雪壓霜欺慘無色天青一寫花精神
惜哉四五月將杪未遇東方月出皦有香有韻夜色無
山人猶未逞懷抱草蟲百種錯花間頡頏飛動火光寒
借燈代月助顏色十一樹梅如是觀

玉蘭

放蕙偷身入廣寒一時心地十分寬不煩郭孟巾披墊
細雨輕風看玉蘭

壘前韻

三月三日風色寒出門倚杖水雲寬冰心欲共花爭潔
澹月疎星看玉蘭

溪口桃花

一片空明地千層爛漫花樓藏高下柳茅縛兩三家冷
目遠山雪清心流水柝非關妖客豔待渡日將斜

題方某辱衷賜覽照

鼓腹樂鴻均便腹藏書史執羽以驅塵橫琴不別指矯
掌天宇寬即境契真理肚皮容得世紛紛萬象空一
寸是

哭熙載四弟

龍子英豪黨社稱看雲空憶泣孤燈山中歲月愁中過
風雨蕭蕭病茂陵

不堪應召擬參軍藉有田園魚鳥親河流十里桃千樹
再捧春尊少一人

立夏

荆妻勸食梅子易酸齒諸孫請食麥芽胃堅理年
力固不強精氣未全毀殉業猶童蒙日程課經史

山雨從東來滿園樹澄綠偶然躡勤思峰遙縱一目老
復警荒嬉觸額心轉肅失怙四十秋杜宇來庭哭

先子錫
名作記

白鬢行哀吳翁

星、白鬢哀蘇程三年以長肩隨行為人謀忠交友信
先嚴少許人中英三浙之東著姓字歸老釣弋溪山亭
不浪舟中扶短拐盈、淚眼說平生遊白山水留贈句
廣陵散奏弦無聲不爭耆舊漸灰滅又感春秋鵲斗血

食無魚

仙姑名松傾汎洪波河無魚兮田無禾昔傳崑崙駕
倡此語入春樹休山之阿叶洽歲閏三月十七日黃海
暴漲奔蛟鼉龜鱉魚蝦滿谿岬大撈筐筥小居拖半癡
半醉半生死午來酉絕烹旨多晴光無雷雷雨雷胡為
乎西北兩河走妖魔或云陰長陽氣剝或云早癘民瘵
瘵舉國若狂紛質問老夫驚聞亦手搓包蘆蓬眾掘草
木根盡薪踊如桂寒凍呵噫嘻山窮水復絕漁空結網
樵執柯農人相對長感歎仙詩三驗其二非傳訛萬千
少壯飢欲死羨余六十零四歲月安閑過縱值凶荒壽
幾何勸君三時作苦勿蹉跎無毒且食醉顏醜清夷那
計小災青聊為彈缺歌食無魚歌

聽雨軒

榴開五月閏先紅點滴蕉梧聽雨中既雨池萍添嫩綠
朱闌三折一橋通

五日桐華

百尺濃陰十畝遮六空亭聳看桐花斜分日色臨仙掌
高落蜂聲笑井蛙弔古興亡當午酒任人嗔喜唱風鴉
耆年得遇孩兒節錢為諸孫儘杖叉

庭蕉

綠雲飛動障氛埃，避暑庭前任意裁。
看爾虛靈葉空卷，西予枯寂心久灰。
智昏未必非謀食，老拙何由復占魁。
黃髮番逢啓運，猶然裘馬。

帝鄉回

辛未會試八十賜
檢討七十賜學錄

自五月至六月丙戌日雨

崇雲檐際

隨急

駭甘雷眼中，酣枯稻半生。死居民異苦，甘西

來風轉北東，去電流南四。境寧鷄犬逢，君喜縱談

鮑陶人言

五行家值
火日必雨

初秋夜荷池喜雨

雲馳無定形，河宿昏復爛。萬民同一心，禱雨勤且降。

潤喜彌天相，量歲功半徐。風過橋來清，馥遍池岸芙蓉。
搖綠波密雨，絲將斷納涼。淨我心秋聲，寄鴻鴈。

雜詩

申旦不成寐，蹠足四旁皇。幽篁響清滴，圓荷奪晨光。
亭草仰天待，旭吐芬芳繁。華日中盛斂，香以歸葩嫉。
宋多小人因名，君子花邊，白雲深懷古生歎。嗟
惡木繁柯葉陰濃，陰畦畝誰不趁炎蒸。借息此深窈，况
乃盜泉水渴飲亦甘，口庸流意方忻。志士心獨不孔肱，
曲為枕顏瓢樂操，手身局十笏中一寸含萬有。

暑退

暑退月初白清暉入我窗昔爭名所獨今媿士無雙涼
氣落喬木波光湧大江何期書計老牆面別凝缸

短歌

商聲慘裂摧枯桐丰茸紫綬一樹紅茲花明豔託非所
日對村野樵漁農昔年獨有周公瑾幼艾飛騫攬吳柄
又嘗篤鍾涓濱叟華顛鷹揚佐周政吳山楚水風月懷
何如飛遯早歸來

古意

晚霽淨閒雲扶闌待新月升山峰漸低落水波爭折不
憐妾容瘦但鑑妾心潔露結一身寒草衰千里別團扇

擲秋風恐郎情不熱

鳩啼烏號行

林鳩不住啼烏號風又起早苗大半焦卷死爾今悲切
徒為耳禾枯猶可束作新水漬艸爛還愁人無風無雨
鳥無聲何期電雷連宵晨炷蘭膏傾縹酒松聲泉聲耳
中有練江波激石奔流米船箭脫來歙州

蒲塘鳥浴

清淺蒲塘作浴池飛來橋上一試之主人亦是忘機者
看爾刷翎高樹枝

田、荷蓋破秋風半掩斜曛似鳥籠二三鸚鵡驚呼出

仰見碧雲張月弓

傷暮年

人言有子好戚，嗟無兒詎知無兒。桑榆強蔬飯，有子豚犬寧輕肥。二三已贅疣，五七如累棋。八九子家力不支，兒飢兒寒憂。父母親疾親衰，將倚誰世觀禽犢，皆溺愛那聽反哺之鳥啼。曾元猶稱養口體，養志曾參千載希。初晰荷鋤隴畝帶經讀，半西獨酌高歌元亮詩。一朝老死免叩脛，旁人苦出泣踊觀虛儀。嗚呼古今未有子等無兒。

秋寒

纖、絲散午風高，先送樓頭九月濤。偶倦叱奴呈夏簟，排空驚雁落秋毛。酒能熱勝衣裝絮，菊未開辜友送螯。此際吳鉤年少佩，舞筵香汗溼花釵。

新棺行

時年六十四辛未八月朔一日

生前新棺考終命，莫待蓋棺論始定。妙年誤我走棘場，晚節慚人呼歲貢。烟冥、水迢、蕭辰慘慄風竹敲，辟之枕糟麴一醉，千日劉伶埋豈計。馮為郎官白頭歎，周攬吳政促齡哀。噫吁嘻，富貴何為哉。行樂亦已矣，達士心不患得失，那復悲歡識生死。

友訂游齊雲山不果作

鳥昔飛不到高摩雲與齊
蟲一村婦子結隊紛奔馳
疑是巨靈手斧劈開層梯
萬衆同一誠一誠感百祇
稍破吞腥戒神降罰殛之
殿貌仰魏一幢煙暗霏一
長揖不肯拜仙儒本路岐
求福先洗心衡紀光無虧
君為懺悔往我欲山水羈
昔遊今未果佇立空依

星帝謠

形猶帚白氣橫空掃芒角
動搖光尋有半垂北斗帝
車運中央戴筐魁下衆星
拱如常招搖耶天蓬耶豈
盾遠莫敢攻而茅近來相
衝抑賤人之牢囚多將竊
逃世少匡劉驗經術聽民
謠思董筆

惡鳥行

刺張良壁采生案賄弊官吏

有鳥有鳥名白鷗日浴山
谿刷翎潔一朝飛一入城
闕十日十手指視嚴品重
南金色猶雪堂上不聞白
鷗呼齧一齧一甕中嘍浮
蛆庭前不見白鷗舞唧唧
門陰啄腐鼠狗爭投骨鷄
分梁爪牙佐爾神揚官家
米粒食未足可憐多少脂
膏充爾腹擊逐更比鷹鷂
豪不曰白鷗曰惡鳥倘為
閑客三芝五藥風翽去佇
望鄉邑荼毒銷

中秋樓頭月

光浮靜如水山翠落沾一
雲碎羅空織風侵劍露尖
詩

隨年漸減酒不醉呼添何處新歌造來教客意快

謝黃八十三翁越千惠梨

愛我豈辭老從容步不踈園名紫條親手餉白布解囊徐
帶露留香在潤津培肺虛地僊敢非想登拜勝瓊琚

溪汀菊

竟乏籬邊趣花叢頗碍眉絕無高士致頓覺靜姿虧四
望空澄霽一心流碧漪偶然值花叟折贈兩三枝

谿頭懷程德涵

溪西我家住溪東即君村兩邨連跼犬一渡夾桃源解
字經能授忘憂道自存相期一尊酒度曲韻堪論

登樓

幾日一登樓山、蒙烟霧碧谿斷作溝紅雲墮成樹膚
燥風逞威菜畦天不雨看題檢書帙忻與昔賢遇豈好
古謝今時哉貧亦素嗜童掩竹扉苔逕絕塵步

月下尋菊兼訪清上人

清空一圓月沒盡眾星光膝為貪花損雲何歸岫忙秋
山慘哀狖法鼓振脩篁不拒敲門客長吟入醉鄉

家居

此心如海納何忽啓憂端少未食求飽老寧貂御寒驚
風樹未靜數鴈影偏單宇宙亦泡幻安知境遇難

細雨不聞聲雲收風又輕青巒牕半列紅樹日添明鬢
少幾莖黑學難千載名悲來羞撫鏡天降此浮生
獨詠百年苦知音一世希入闌鉏藥種衰病可因依既
異酸醎味因嗤蛭鷺飛不平猶庶物拈韻解愁圍

盆菊宴士光弟宅得卮字

一生杜客梧杓稀今朝恰與菊花期菊影重上高壁
燭光煜，汎深卮千枝萬枝任堆垛三步兩步難轉移
蟹肥剔鮮魚翦瑕筍嫩削尖豚炮蹄老夫破戒亦爛醉
琥珀色麗青玻璃何來鍾聲忽自鳴子初催飲還催詩
花氣濃時露政白主人情洽賓忘辭出門大地誤霜雪

矯掌星月交清暉

葉大澄齋招飲餅菊同鮑二陶人賦

看到君庭第五家幾瓶蟠屈亦堪誇聞人吹笛歌喉動
與子論醫我意嘉忽覩月光穿戶壁竟移菊影過籬笆
九秋獨讓黃華好三老同嗟白鬢斜

辛未秋年兒之蘭谿

一櫂新安水幾日到蘭江高楓紅夾岼亂石淺驚瀧理
以心明得鼎須力大扛莫嫌同調少協律自成腔
聞說闌干艇溪頭墜鳳釵色相空，是烟花處，皆著
書親點勘得糲日安排有母妻兒好客中應遣懷

渡口

中流一川水夾住幾村家
飽看秋天菊春來桃又花

送友游金華

儼裝三百里別酒唯一尊
遙想白雲裏山下開洞門

秘閣書院祭雨

吾道在知時歸休五十遲
雲中龍氣腥林際鳥聲悲
數

日感秋去半犁欣雨滋
清風滿桂院新值祭先期
嘉慶辛未

九月二十日
初設秋祭

殘菊

只愁白髮禿露頂那敵黃花
殘傲霜三五員月不常有

孤燈倒影伴寒觴

六宜亭下芟梅

古木依環水孤亭高占山
如何雲阻斷不放眼空閑
索

突疎中得操刀礙處剛任他
橫屋角風到也無患
刑韻借用

聽雨軒芟柳

秋盡著單衫驕陽半壁銜
十年猿處穴目不見征帆一

突穿書蠹朝昏飽老饒
梅枝散清影碍月柳應芟

秋懷

景短叱童勤掃葉漏長橫
榻盡圍書飛來一片清
秋月

縱目千峰萬壑初漢武秦皇
空海上吳歌楚舞僅杯餘

潔身且喜塵搔少首禿如僧豈嬾梳

同鮑陶人晚步

烟籠疎柳已堪憐又值桐風禿兩顛渡喚夕陽紅樹外
僧歸寒寺白雲邊悲生王粲樓頭句景倩關仝筆底傳
識曲聽真千古事東籬黃菊慕高賢

無人知正色有客聽蛙聲飽看菊聽

歌句也予故有此二語

閒飲

髮秀差歡買酒錢莫將朱紫悔從前八千歲過歸三逕
七十春來欠六年秋老菊黃無客醉園空月白有詩聯
聚之姪此時生計憑兒輩更待諸孫問簡編

壘前韻

徒識中山酒十千詩歌飲德媿生前誰傳賈傳天人策
亦詔公孫老病年貧幸鞦韆三飯飽夢猶風雨一牀聯
短籬雞犬穿來破茭得竹枝何日編

立冬三日雨

有興登臨未解頤無端水旱夏秋時村、新米如潮長
事、風波任世移嵐鎖近餘牕外樹鴉藏低壓雨中枝
鷄啼恰與兒啼接好把晚菘炊作糜

紅白梅枝耐久交故人於我病輕拋曉峰碧瀑笛三弄
寒漏青燈易一爻吹盡浮雲始安枕飛還舊鵲復為巢

從風每恠棕櫚戰泉石從今免受朝

即境言懷

塵事因循如水逝時光容易又冬來朝園莫舍路三丈

予家門對不踈園

清聖濁賢酒一杯正值時弦風慘慄那堪脩

雷角悲哀鄰翁歲歎雞豚少漸向侏儒乞米回

山妻索典鸛鷓裘免斷炊烟對楚囚五百年前窮鬼擾

一千里外小兒遊鴈迴有日書應寄蠶老無絲繭不抽

猶喜長吟豪氣在笛聲送月到西樓

無題

生離還有日死別却無春可憐抱衾者不作擁衾人

自遣

壯志已銷磨衰年欠矍鑠閑分犢草眠向日觀經略

夏夜河梁送客

馬上涼風舟際月十年來已脫征衫送君惟有長河水

轉過峰頭不見帆

自詠

仰望凌烟功業多千秋姓字不銷磨書生亦有葵心在

野叟無如鶴髮何若許春江歸作酒也將晉字換為鸞

面團腰折推年少埽地焚香自在過

招游近郭山寺得嵌字

陷入中曰嵌字書讀去聲今押平韻恐俗不解故於

聚芝姪閑語詩引唐順之功成他日誰能頌海上磨厓大字嵌為證

霞紅開誦故人函招我閑游上翠幄窄徑難張遮日織
輕風快拂染塵衫牛嗟喘墓胡垂老龜惜搭牀背半嵌
采罷蕨薇當返照水光山色滿松杉

與家聚芝間話

已媿磨厓大字嵌酣歌聊共竹林咸我便經腹吞麤飯
爾聳詩肩耐布衫碧落瘦筇歸緩紅塵肥馬去颿
丈夫有志終無用何必身強事雪鏡

讀書

讀如昏鏡漸先寒關鍵標黃理著丹臨老焚香知蠹避

趁閑埽地覺腰酸

外舅鄭隱君葬期病不克赴

墓門豈千里老病免躑躅黃山三十六恨少丈人峯

岑山歌悼程雲溪

岑山水中央形比金焦小面山感締交問復醉清醪程好

酒沒亦誤於酒

謝贈斑竹杖

白雲紅樹隱山村賴爾扶持強出門妃淚盡時傷賈島却
嫌此杖滿帝痕

秋九林南帝前

白雲山嶽新山林疎林青嶽出門外深林青嶽疏林

嶽嶽嶽嶽嶽

嶽嶽嶽

秋山水中央河六金嶽小西山嶽嶽文開嶽嶽嶽嶽嶽

嶽嶽嶽嶽嶽

嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽

嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽

嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽



